



PHATLALATŠO YA DITABA YA MOHLAKANELWA YA DITIRELO TŠA AFRIKA BORWA (SARS) LE OFISI YA BOLAMOLEDI BJA DINGONGOREGO TŠA MOTŠHELO (OTO)

E phatlaladitšwe ka la 26 Lewedi 2025

SARS le OTO ba lemogile ka pelaelo sengwalwa sa moragorago seo se phatlaladitšwego ke Sowetan mabapi le palo ya godimo ya diprofaele tša SARS eFiling tšeo di begilwego go ka ba di thopilwe ke dinokwane tša bomenetša bja mafarahlahla a saeba, tšeo di phethago ka ditahlegelo tša ditšhelete tša balefela motšhelo. Ka nako yeo sengwalwa se bego se phatlalatšwa, OTO e be e se e tšhwe e phatlalatše pego ya sethalwa sa ditshwayotshwayo tša setšhaba, gomme sengwalwa se be se na le dintlha tše dintši tšeo di bego di sa nepagala.

Ditseo tše pedi di tlhomilwe ka molao go phethagatša maikarabelo a go nyalelana a go hola balefela motšhelo le mokgwatšhomo wa ditšhelete tša naga.

SARS ga e hlomphe fela eupša e lemoga maikarabelo a OTO bjale ka modirišani mmogo go kgonthiša gore tirelo ya mokgwatšhomo wa motšhelo ke wa paale go feta

ka mo go letetšwego. Ke ka fao SARS e tšwelago pele go šoma ka maatla go rarolla dingongorego dife goba dife tšeo di filwego ke OTO. Ditheo tše tše pedi di bapala karolo e kgolo kudu ya tsenyatšhomong ya taolelo ya motšhelo. Setheo se sengwe le se sengwe se hlompha tagafara ya se sengwe, mola bobedi di lego letlapa la sekhutlo la mokgwatšhomo wa ditšhelete tša motšhelo wa Afrika Borwa. OTO e tlo phatlalatša pegu ya sethalwa ka la **1 Diphilane 2025**, bjale ka ge ditherišano tše di tseneletšego le baswarakabelo di phethilwe.

SARS le OTO ba rata go tiišetša setšhaba gore go šireletša tshedimošo ya balefela motšhelo le go boloka potego ya mokgwatšhomo wa motšhelo e dula e le tirelo ya rena ya pele ya godimo.

Dintlha tše Bohlakwa:

1. Kamogelo ya taba

OTO e be e le gare e nyakišiša melato ya go tsenelwa ga diprofaele sebaka sa ngwaga, morago ga dingongorego tše mmalwa go tšwa go balefela motšhelo le ditsebi tša motšhelo.

2. Go ata ga Bosenyi bja Saeba

Setheo se lemogile gore tikologong ya lehono ya tsenelano ya ditšithale, tšhireletšo ya dikotsi tša saeba e oketšegile ka lebelo, gomme e laetša matšhošetši go batho, dikgwebo le ditheo. Ditransekhene tša mong le ditšhelete di šuthela ka lebelo go onelaene, badiriši ba dimenetša ba šomiša gampe diprothokholo tša tiišetšo, mekgwatšhomo ya kabelano ya data, le maitshwarona badiriši go leka go utswa boitsebišo, bomenetša, le phihlehlelo ya mokgwatšhomo wo o sa dumelelwago. Le ditiragalo tša ka mehla, tše bjalo

ka phihlelelo ya diplatformo tša motšhelo goba go mphshafatša dintlha tša go panka, di šetše e le tsela ya tšhomišompe. Ka go kamano ya taolo ya motšhelo ya Afrika Borwa, dikotsei tše gantši di šoro. SARS, bjale ka mohlokomedi wa koleka ya metšhelo le dipušetšo tša tšhelete, ke tebanyo e kgolo go bao ba nago le maikemišetšo a bometša.

3. Tirišanommogo magareng ga SARS le OTO

SARS le OTO di la le kamano e tiilego le tirišano. Bobedi bja ditheo di na le tsepanyo go nepo ya go šireletša le go bušetša boitshepho go mokgwatšhomo wa eFiling.

4. Magato a tšhireletšo le maiteko a go tšwetšwapele

SARS e tšwelapele go kaonafatša diphrothokholo tša tšhireletšo go fokotša dikotsi le go thibela phihlelelo yeo e sa dumelelwago. Re hlohleletša balefela motšhelo go ntšha mahlo dinameng ka go boloka dintlha tša bona tša go tsena le go bega ditiragalo tša go belaetša.

5. Pego ya Dinyakišišo le Therišano le Setšhaba

Phatlalatšo ya pegu ya sethalwa sa OTO e diegišitšwe go dumelela SARS go fana ka dintlha tše di feletšego tša dihwetšo tša pele, go kgonthiša tekolonyakišišo ya botlalo gape ya tekano. Mola baeletši ba šomile ka maatla magareng ga maloko, dikarolo tša sengwalwa se sa ntše se na le pharologano, yeo e letetšwego go tebelegape efe goba efe ya mokgwa wo. Mohlako wa tirišanommogo o nepile go maatlafatša ditshwayotshwayo tša pegu le go phethagatša dikaonafatšo tše kaone. OTO e tlo phatlalatša pegu ya sethalwa ka la **1 Diphallane 2025**.

6. Tiišetšogape ya Boitlamo bja rena go Balefela motšhelo

Bobedi SARS le OTO di boeletša boitlamo bja tiišetšo go kgontšha balefela motšhelo go obamela boitlamo bja bona ka polokego le boitshepo. Re ipiletša go balefela motšhelo go dula ba hlokometše le go bega ditiragalo tšeo di sego molaong ka dikanale tša SARS tša semmušo.

Khomišinare o boletše gore “Re hlompha gore pego ya mafelelo ya OTO e tla hwetšagala phatlalatša go se go ye kae, gomme SARS e dula e ikgafile go tšwetšapele kamano ya yona le setšhaba ka mošomo wa yona. Setšhaba se swanetše go holofetšwa, gore SARS e tšwelapele go šoma ka mafolofolo go kgonthiša gore maemo a godimo a potego le tšhireletšo go balefela motšhelo bao ba dirišago diplatformo tša SARS tša ditšithale”.

Bolamoledi bja dingongorego tša Motšhelo di boletše gore: *“OTO tšeela go thopšwa ga diprofaele tša balefela motšhelo tša eFiling godimo kudu. Bjale ka setheo seo se ikemetšego, OTO e kgonthiša nepo ya hlokomelo le tirelo ya paale go balefela motšhelo. Pego ya sethalwa ya OTO yeo e letetšwego e laetša ditherišano le baswarakabelo gomme e nepile go otlela ditharollo tša paale.”*

E phatlaladitšwe mohlakanelwa ke:

Ditirelo tša Motšhelo tša Afrika Borwa (SARS) le Ofisi ya Bolamoledi bja dingongorego tša Motšhelo (OTO)

Go hwetša tshedimošo enngwe, ka kgopelo ikgokaganye le SarsMedia@sars.gov.za le/goba media@taxombud.gov.za